

## Yeshua un Israelita; nos Sostenedor!!!

E **Spiritu** di **Señor DIOS** ta riba **Mi**, pasobra **SEÑOR** a ungi **Mi** pa hiba **Bon Nobo** na esnan **afligí**; **EL** a manda **Mi** pa kura hende di **kurason kibrá**, pa **Proklamá Libertat** na **katibunan**, i **Libertat** na prezonan, pa **Proklamá** e **aña Agradabel** di **SEÑOR**, i e **dia** di **vengansa** di nos **Dios**; pa **konsolá** tur esnan ku ta **yora**, (**Isaias 61:1-2**).

### Yeshua un Israelita, ta nos Sostenedor!!!

Nos **Alma**, ku ta un **spiritu bibando** den nos **kurpa**, mester **someté** su mes na e **Spiritu Santu**, ku tambe ta **bibando** den nos **kurpa**. Ora **tur tres** parti (**Alma**, **kurpa** i **Spiritu Santu**) bira **un**, nos ta jega di **Bèrdat** serka nos **Sostenedor**. Nos **Alma** ta e **asiento** di **tur nos afekshon, sintimentu, anhelo** of **disgusto**. Nos **Sostenedor** a bini na **mundu** pa **mustra** nos ku **tur kos** ta **posibel** pa esnan ku ta **Stima Dios Tata** ku **henter** nan **Alma**.

### Yeshua un Israelita, ta nos Sostenedor!!!

I lo **Mi stablesé Mi Aliansa** entre **Ami** i **abo** i bo **desendientenan** despues di bo durante di **tur nan generashonnan**, komo un **Aliansa Eterno**, pa ta bo **Dios** i **Dios** di bo **desendientenan** despues di bo. (**Génesis 17:7**). "**Tende, O Israel! SEÑOR** ta nos **Dios**, **SEÑOR** ta **ún!** I **Stima SEÑOR** bo **Dios** ku **henter** bo **Kurason**, ku **henter** bo **Alma** i ku **tur** bo **Forsa**. (**Deutoronomio 6:4-5**).

Un **Aliansa Eterno** ta pa **Eternidat**, un kos pa **semper** i **semper** entre **Dios Tata** i e **desendientenan** di **Abraham** ku ta **Israelita**, meskos ku di **Bèrdat Yeshua** ta un **Israelita**. Ta pa e motibu aki **Juan** a bisa: "**Despues di mi** ta bin un **Hòmber** ku ta **promé** ku mi, pasobra **E** tabata **eksistí** **promé** ku mi.' I mi no tabata **konos'E**, ma pa **E** por wòrdu **manifestá** na **Israel**, mi a bin ta **batisá** ku **awa**." (**Juan 1:30-31**).

### Yeshua un Israelita, ta nos Sostenedor!!!

**Awor** kon **abo i ami** ku **no** ta **Israelita** por **tin parti** den e **Aliansa Eterno** aki? Manera **Yeshua un Israelita** mes a bisa: "**Bendishoná** ta esnan ku ta hasi **Pas**, pasobra nan lo wòrdu yamá **yunan di Dios**". E **Spiritu** mes ta duna **Testimonio** huntu ku nos **spiritu**; nos **Alma** ku **abo i ami** ta **yu di Dios**, i si **abo i ami** ta **yu**, **abo i ami** ta **Eredero** tambe, **Eredero** di **Dios** i ko **Eredero** ku **Esun Ungi**, si di **Bèrdat** **abo i ami** ta **sufri** huntu **kunE**, pa **abo i ami** wòrdu **Glorifiká** tambe **huntu kunE**. **Yeshua**; **Esun Ungi** a **Redimí** **abo i ami** di e **maldishon** di **Lei**, birando un **maldishon** pa **abo i ami** pasobra ta pará skirbí: "**Maldishoná** ta tur **esnan** ku ta **kologá** na un **palu**" pa di **Bèrdat** den **Esun Ungi**; **Yeshua** e **Bendishon** di **Abraham** por yega serka e **paganonan**, pa **abo i ami** por **risibí** e **Promesa** di e **Spiritu** dor di **Fe**.

Pasobra sigur **Abo** ta nos **Tata**, maske **Abraham** no **konosé** nos, i **Israel** no **rekonosé** nos. **Abo, O SEÑOR**, te ainda ta nos **Tata**, nos **Redentor** for di **Eternidat** ta **Bo Nòmber**. (**Isaias 63:16**).

14 febrüari 2021

Sea Bendishoná ku e **Amor** di **Dios Tata**; **Yeshua Mesias**  
Un Fiel Sirbidó di **Dios**,  
Remsly L Riley.